



جابتن مفتي نخري قهغ

قوله تعالى:
فَسَأَلُوا أَهْلَ الذِّكْرِ إِنْ كُنْتُمْ لَا تَعْلَمُونَ

Soalan :

السلام عليكم ورحمة الله وبركاته

Saya ingin bertanya, di rumah saya banyak tahi cicak. Bolehkah saya hanya sekadar sapu tahi cicak tersebut tanpa menjirus air? Hal ini kerana setelah saya membersihkannya, ada lagi tahi cicak yang jatuh lagi. Saya rasa stress sangat, risau solat saya tidak sah. Terima kasih.

Jawapan :

وعليكم السلام ورحمة الله وبركاته

Alhamdulillah, bersyukur kita ke hadrat Allah SWT, selawat dan salam atas Nabi besar junjungan kita Nabi Muhammad SAW beserta keluarga dan sahabatnya serta mereka yang mengikuti segala sunnah Nabi Muhammad SAW sehingga hari kiamat. Terima kasih kepada puan di atas soalan yang telah diajukan kepada kami.

Bagi menjawab persoalan puan, **boleh** dengan hanya sekadar menyapu tahi cicak menggunakan penyapu tanpa menjirus air. Mengikut pandangan sebahagian ulama, ia merupakan kategori najis yang dimaafkan, sepertimana terdapat dalam Kitab

karangan Imam Nawawi dalam al Majmu' Syarh al-Muhazzab (2/550); Nihayah al-Muhtaj (1/80).

Namun begitu berkaitan dengan solat ada dua keadaan :

- 1) Jika jelas / nampak tahi cicak tersebut di tempat solat, maka hendaklah kita sapu atau buang tahi tersebut dari tempat solat. Jika kita solat juga di tempat itu, maka tidak sah solat.
- 2) Jika tidak jelas tahi cicak di tempat solat dan kita solat ditempat tersebut, maka sah solat dengan sebab kita tidak mengetahuinya, melainkan jika kita tahu selepas solat, contohnya ada pada tapak kaki, maka hendaklah kita buang tahi tersebut dan ulang semula solat tersebut.

Rujukan :

- 1) Al-Nawawi, *Kitab al-Majmu' Syarh al-Muhazzab*.
- 2) Al-Ramli, *Nihayah Al-Muhtaj*.